



“TRAVNIK U BOJAMA MLADOSTI”

Projekat studenata Edukacijskog fakulteta i Fakulteta za tehničke studije Univerziteta u Travniku

Travnik je u periodu od 14. do 20. maja bio obojen bojama mladosti. Sedmicu mladosti u Travniku u organizirali su studenti Edukacijskog fakulteta i Fakulteta za tehničke studije Univerziteta u Travniku povodom obilježavanja dana fakulteta.

Partneri projekta bili su Općina Travnik, Sportski savez SBK, KK Spars Sarajevo, Zavičajni muzej Travnik, Centar Duga, a medijski pokrovitelji TNT radio, Oslobođenje i web portal hronika.ba.

Izložba radova studenata pod nazivom „Nova stvarnost naše mašte“

Projekat Travnik u bojama mladosti svečano je otvoren izložbom radova studenata studenata Edukacijskog fakulteta i Fakulteta za tehničke studije u Zavičajnom muzeju Travnik pod nazivom „Nova stvarnost naše mašte“. Posjetitelji su na izložbi mogli vidjeti preko 50 radova studenata ova dva fakulteta. Na ceremoniji otvaranja, u prepunoj sali, prisutnima se obratila Fatima Maslić, direktorica Zavičajnog muzeja Travnik. U svom obraćanju istaknula je značaj uključivanja mladih ljudi u kulturni život općine i pokazala veliko oduševljenje kreativnošću koju su pokazali studenti oba fakulteta. U ime fakul-

teta obratila mr. Amra Tuzović i najavila kako će studenti oba fakulteta i u narednom periodu priređivati izložbe svojih radova, te izrazila veliko zadovoljstvo zbog velikog odziva travničana na ceremoniju svečanog otvaranja i podrškom cjelokupnom projektu koju je pružila Općina Travnik, Zavičajni muzej Travnik i Sportski savez SBK. Sa radovima i načinom na koji su studenti pripremali izložbu, prisutne je upoznala mr. Alisa Čaber. Izložbu je svečano otvorio Načelnik Općine Travnik, Admir Hadžiemrić, a među posjetiteljima, pored studenata i profesora bili su i brojni travničani ljubitelji umjetnosti.



Fatima Maslić, direktorica Zavičajnog muzeja Travnik



Mr. Amra Tuzović, u ime Fakulteta za tehničke studije i Edukacijskog fakulteta Univerziteta u Travniku



Mr. Alisa Čaber, je prisutne upozнала sa radovima i načinom na koji su studenti pripremali izložbu



Admir Hadžiemrić, načelnik Općine Travnik



Uključivanje mladih ljudi u kulturni život općine Travnik

Studenti Edukacijskog fakulteta i Fakulteta za tehničke studije u akciji uređenja grada Travnika

Studenti Edukacijskog fakulteta i Fakulteta za Tehničke studije u saradnji sa Sportskim savezom SBK realizirali akciju uređenja igrališta za djecu u Ulici šehida u Travniku. Projekat su inicirali studenti koji su htjeli dati svoj doprinos u uređenju grada i buđenju svijesti kod mladih ljudi o značaju očuvanja okoline. Studenti su najavili da neće stati na ovom projektu te da će i u budućnosti poticati slične aktivnosti.



Studenti u akciji uređenja igrališta za djecu



U Centru Duga u Novom Travniku stonoteniski meč između dva olimpijca

U okviru projekta Travnik u bojama mladosti u prostorijama Edukacijsko-rehabilitacijskog centra „Duga“ Novi Travnik odigran je stonoteniski meč između dva olimpijca.

Prilikom jedne od posjeta centru Duga, Josip Adžaić, član centra koji je sudjelovao na Specijalnoj olimpijadi i ostvario zavidne rezultate, u razgovoru sa studentima i članovima uprave Edukacijskog i Fakulteta za tehničke studije izrazio je želju da odigra meč sa Srđanom Miličevićem koji je bio prvak BiH u stonom tenisu i sudjelovao na Olimpijskim igrama.

Menadžment ova dva fakulteta je odlučio ispuniti želju Josipu. Srđanu Miličeviću koji je student treće godine Opće kineziologije na Edukacijskom fakultetu u Travniku predloženo je da odigra meč sa Josipom, što je Srđan sa oduševljenjem prihvatio.

Meč je odigran u prisustvu brojne publike iz centra i oba fakulteta na obostrano zadovoljstvo. Josipu je dekan Edukacijskog fakulteta, doc dr. Hazim Selimović uručio medalju i reket sa potpisom Srđana Miličevića. Centru „Duga“ je donirana oprema za stoni tenis koju će koristiti svi članovi. Direktorica centra zahvalila se na ovom humanom gestu i naglasila da su ovakvi događaji za sve članove centra „Duga“ od velikog značaja.



Doc. dr. Hazim Selimović i Josip Adžaić učesnik Specijalne olimpijade



„Dan otvorenih vrata“ na Edukacijskom fakultetu i Fakultetu za tehničke studije

U okviru projekta „Travnik u bojama mladosti“, koji je organiziran povodom obilježavanja dana fakulteta, 16. maja 2012. godine je na Edukacijskom fakultetu i Fakultetu za tehničke studije Univerziteta u Travniku održan „Dan otvorenih vrata“.

Kroz ugodno druženje sa dekanima fakulteta, nastavnicima, asistentima i studentima oba fakulteta maturanti su dobili informacije o studijskim programima, načinu studiranja, uslovima studiranja i studentskom standardu koji uživaju studenti ova dva fakulteta. Posjetioci su imali priliku obići prostore fakulteta i upoznat se sa uređenjem fakulteta.

Ako je suditi prema broju zainteresiranih maturanata koji su danas posjetili oba fakulteta, i ove godine će, na sve smjerove, biti upisan maksimalan broj studenata. Na Fakultetu za tehničke studije, pored smjerova Grafičko inženjstvo i dizajn i Inženjerske informatike, maturanti su veliki interes pokazali za smjerove Građevina i Arhitektura. Na Edukacijskom fakultetu jednak interes je bio za smjerove Pedagogija i psihologija, Matematika i informatika, Razredna nastava i b/h/s jezik i književnost, Opća kineziologija, Sportski menadžment i Specijalne namjene.

Ugodno druženje sa dekanima fakulteta, nastavnicima, asistentima i studentima oba fakulteta



Posjetioci su imali priliku obići prostore fakulteta



„Dan otvorenih vrata“ na Edukacijskom fakultetu i Fakultetu za tehničke studije

U okviru projekta „Travnik u bojama mladosti“ kojim se obilježavaju dani Edukacijskog fakulteta i Fakulteta za tehničke studije, 17. maja 2012. godine, realizirana je zvanična posjeta načelnika Općine Travnik, gosp. Admira Hadžiemrića Edukacijskom fakultetu i Fakultetu za tehničke studije Univerziteta u Travniku. Prema protokolu posjete upriličen je obilazak Fakulteta i prijem u dekanatu Edukacijskog fakulteta Univerziteta u Travniku. U razgovoru kojem su prisustvovali predsjednik upravnog odbora Univerziteta u Travniku, dr. Nihad Selimović, dekan Edukacijskog fakulteta, doc. dr. Hazim Selimović, dekan Fakulteta za tehničke studije, prof. dr. Salim Ibrahimfendić, prorektor za naučno-istraživački rad, doc. dr. Dobromir Bonacin, menadžer za osiguranje kvaliteta visokog obrazovanja Univerziteta u Travniku, mr. Amra Tuzović i PR. Edukacijskog fakulteta Emina Terzić. Načelnik je istaknuo značaj koji Univerzitet u Travniku ima za grad Travnik, te da je pozitivno iznenađen što

Načelnik je pohvalio projekat „Travnik u bojama mladosti“



Gosp. Admira Hadžiemrić, prof.dr. Salim Ibrahimfendić, doc.dr. Hazim Selimović i dr. Nihad Selimović

prilikom svake svoje posjete primjeti značajan napredak kako u radu, tako i u opremljenosti oba fakulteta. Načelnik je pohvalio projekat „Travnik u bojama mladosti“ i ponudio pomoć Općine Travnik pri realizaciji ovog i sličnih projekata u budućnosti, te istaknuo značaj kontinuirane komunikacije između fakulteta i lokalne zajednice. Dr. Nihad Selimović je u razgovoru posebno akcenat stavio kvalitet nastavnog procesa na ova dva fakulteta, te kako je osiguranje kvaliteta nastavnog procesa najvažniji za napredak u oblasti obrazovanja. Otvoreni su razgovori na polju uključivanja Fakulteta u privredne tokove kako općine Travnik tako i Srednjobosanskog kantona/Kantona Središnja Bosna, koji će u narednom periodu biti nastavljeni, kako je najavljeno, u jednom konkretnijem tonu sa određenim prijedlozima koji će Edukacijski fakultet i Fakultet za tehničke studije Univerziteta u Travniku ponuditi u vidu projekata koji će uključiti lokalnu zajednicu općine Travnik i šire područje SBK/KSB.



Humanitarna prodajna izložba pod nazivom „Ja sam ti drug“

U proteklih mjesec dana studenti Edukacijskog fakulteta i Fakulteta za tehničke studije svakodnevno posjećivali su centar za djecu sa poteškoćama u razvoju „Duga“ Novi Travnik. Uz druženje sa članovima centra pravili raznovrsne kreativne radove. Svi radovi, među kojima je bilo

nakita, fotografija, slika, raznih dekorativnih predmeta su se prodavali na izložbi u okviru projekta Travnik u bojama mladosti. Na prodajnoj izložbi, uz studente, bili su prisutni i članovi centra Duga. Sva novčana sredstva prikupljena od prodanih radove bit će uručena kao donacija centru „Duga“.



Humanitarna prodajna izložba



Sva novčana sredstva bit će uručena kao donacija centru „Duga“.

Street ball turnir

Pored kulturnih, humanitarnih i društveno korisnih aktivnosti, posljednji dan u okviru projekta Travnik u bojama mladosti obilježen je kao dan sporta. Na platou ispred Zavičajnog muzeja Travnik organiziran je Street ball turnir. Od sedamnaest prijavljenih ekipa, samo najbolji ponijeli su vrijedne nagrade. Nesebičnu pomoć pri realizaciji turnira pružio je KK Spars Sarajevo kao partner projekta koji se pobrinuo da turnir bude realiziran na najvišem nivou.

Treće mjesto na turniru zauzela je ekipa Altana, drugo mjesto ekipa Edukacijski fakultet-asistenti, a prva je bila ekipa Matti Hautamaki i osvojila nagradu u vrijednosti 300,00 KM. Ekipa Edukacijskog fakulteta svoju nagradu je poklonila članovima centra Duga Novi Travnik.



Prva je bila ekipa Matti Hautamaki



Drugo mjesto zauzela je ekipa Edukacijski fakultet-asistenti



Na platou ispred Zavičajnog muzeja Travnik organiziran je Street ball turnir



Treće mjesto zauzela je ekipa Altana